



壹齋集卷三十六

古今體詩四十三首


盡甲午一年

大雪 正月二日夜

當塗

黃鶴樓

左田



一夕雪三尺平明掃不開填門已無路賀正更誰來往歲未曾見餘年第一回壓枝瓊樹折戴石玉山頽奧窈光芒射階除迫塞堆麥稀仍苦凍田澇恐罹災但有塵生甑毋煩羽掠灰見癸辛識村村雞唱寂歷雁聲哀小惠誠難遍私捐賑銀僅萬三千有奇終於城中貧民無濟洪恩普易該怨咨民曷敢鼓舞盼春臺

卽事六言四首

投鼠罔知忌器奪牛匪為蹊田腐木不可為柱濁流豈有廉泉鶴媒媚主傷類虎俵求代忘仇未聞襟裾自褻甘作路人馬牛

壹齋集卷三十六

一

廁鼠競食不潔獨得劫商富名何曾家有金谷劇憐身落秦阮伯有相驚為厲彭生人立而啼鬼物安能禍福卿輩自墮泥犁平山口南唐古梅今年作花獨盛許小琴招同子卿蘭泉仙霞曹生賞之距丁亥已八年矣仍次坡公韻甲午

二月十六日

古梅如定僧幻怪眩弗動陽侯犯之三戩兵不敢弄道光三年十一月十

三年大水去今年雪復饗沒髀三尺凍和風幾日吹異事四山

山僅里許闕不知於何時東皇領僊從囊取萬蝶飛恣意枝頭縱八年我

再來二月春又仲歐湖綠未波荆山翠遙貢斫枯姿更妍驟暝

香彌重惟惜鄰樹薪不聞鳥聲哢年饑山樹盡破盜伐幸梅在耳衰齡續勝遊

憶昔發感諷許子興最豪春郊飲方痛對花兒花真索題戒稽

雍一卷冰雪文五載羅浮夢小琴攜畫卷之京之楚之廣東題者甚衆何期千年枝



歸若手新種深恐駒隙忙一縱不可鞚招攜六客俱傾倒一樽  
共眼中千萬株何殊鳥有鳳揮杯醉古香温磨遍巖洞我歌聊  
遂情付君覆酒甕

襍感示子孫

朝把三寸翰夕陳一編書耄老未聞道誦習徒區區古訓日以  
昧今人誰與居昔時麻中蓬久已忘其扶蘭菊不同臭秦越殊  
塗趁棄置勿復道掩卷增嗟吁

送客出北郭目擊摧中腸百年儒生家一夕荆榛場榘廬析爨  
薪甌甓充餼糧記昔常經過戶牖連中堂兒童聚冬學書聲晝  
琅琅卽今竈突遺猶帶炊煙香楮山慘不舒湖波澹無光春風  
入亭榭桃李花不芳肩輿倦退矚尙忍陳壺觴

湖山似好友日遠日益疏半載不相見鬱鬱懷不攄清明偶出

壹齋集卷三十六

二

郊詫異風景殊瓦礫遍道路花柳惟枯株笙歌一以寂酒壚蕩  
爲墟委巷多狎邪逃亡及女閭波臣若解事此輩宜爲魚何時  
還舊觀花月春滿湖

我志在厲俗所恨助者少登善必自卑積惡毋諱小雞鳴舜跖  
分辨之務在早寒暑爭陰陽戒得尤在老子孫不能知他人安  
可保

人言玉石椽那復辨黑白奈何今之人不爲玉爲石大孝動鬼  
神黃巾自辟易庾衮友于兄身不罹癘疫修德必獲報自古聞  
在昔况今世休明日月忍虛擲努力貽令名禍福非所惜

吐綬鳥

並序

吐綬鳥蓋雉屬爾雅雉有十四種不知果何屬也曰避  
株曰錦囊曰吐錦曰真珠曰孝鳥古今載記名稱不一



惟埤雅以爲卽詩卬有旨鷓其言曰禽經纓鳥性樂纓  
鳥若綬鳥是也一名鷓或謂之吐綬咽下有囊如小綬  
五色彪炳詩曰中唐有臂卬有旨鷓食之甚美詩謂之  
旨以此按詩傳鷓綬草也郭注小草有襍色似綬也陸  
璣云鷓五色作綬文故曰綬草此言小草如綬如下所  
云綸似綸組似組未嘗言鳥也其曰食之甚美更可笑  
又將何以解旨若耶鷓說文本作鷓或从鬲作鷓引春  
秋六鷓退飛鷓綬說文作鷓从艸具聲引詩卬有旨鷓  
二文絕不相同且禮經綬自天子至士有等漢官儀地  
緣采色亦各不同製久不傳似與否未可知惟此鳥之  
綬並非從口吐出春夏晴明頭出兩翠角自擺其首數  
次則膺前錦垂方廣尺幅謂之錦囊似矣劉夢得詞亦

壹齋集卷三十六

三

玉彫成彪炳毛紅綃翦出玲瓏翅亦未得其形似序云  
追和蓋得之傳聞耳許靜夫家有此鳥得自蜀中爰釋  
其名實如此系以長句

巢移井絡跡全非籠入雞羣願已違夢裏誰遺三尺錦胸中自  
具九張機漫疑寶綬藏文笥後漢張衡有綬笥銘似探珠囊出信衣羨爾  
含章能內斂不隨伊洛鬥飛翬

行年八十五

行年八十五暮景過高春黃卷倦枯坐青山負短筇緣籬花上  
屋決石筍穿墉銷暑知何處荒園足養慵

行年八十五老嬾復何思一室且姑事千秋難預知家藏摹本

畫客購得僕三十年所作畫半屬贗本客誦已刪詩卽世看人意誰云無子期

行年八十五會友日凋疏思買半吟鶴難求同隊魚心空惟對



竹目警不看書寂寞平生慣非關愛索居  
行年八十五不達待何時卻笑香山老難忘楊柳枝綺羅春卉  
豔絃管候蟲悲乘化以歸盡淵明真我師

聽盲詞

早識多藏必厚亡不妨官吏狼如羊是非偏有盲翁管負鼓牆  
陰唱夕陽

私錢公帑兩模糊籍沒田園付子虛地下冥官如覆勘分明一  
則鬼爰書

題畫三首

卅年宦京師動念卽鄉思賦詩暨作畫一一遊蹤識歸田今九  
年湖山或月至譬如嗜酒人酒甕牀頭置興到卽引杯何必朝  
朝醉

壹齋集卷三十六

四

少年好學畫鹵莽不入格雖爲儕輩誇未覩宋元蹟流傳五十  
年鄉里謬矜情因之贖本多賺客謀儋石萬錢買一幀餅金購  
一冊遠近卷送觀披展笑啞啞不思畫中山竟可救饑餓卻憐  
湖上田賤賣棄如擲湖上水田人不要誰來買我畫中山唐六如何

我友金葉山嗜畫若飲食一日缺不可自朝至中吳吳楚齊晉  
閒所至多遺墨平生師耕煙意境頗有得六法無一欠微惜少  
光色我時勸濡毫何妨姑近黑君亦常規予皴染毋遽亟開幀  
記前言我心爲感惻

食筍齋竹筍甚盛飽啖不足戲成此詩

八年種竹孫生孫鱗鱗多於羊觸藩今年決石復穿屋足厭饒  
涎果枵腹胸中敢望貯千畝眼前稚子皆我有澄懷齋榜易歸  
航蠹筒拋荒夏日長老饜藉口學山谷一心呪筍莫成竹



頻年歲歉任卹難周謀諸邑之有田而好義者十四家  
計畝納穀歲得六百餘石請於有司買舊丞廢署創建  
豐備義倉十二座道光甲午五月七日卯時上梁詩誌  
其事

喜聽兒郎偉遠思婦子同成城緣眾志圖匱在年豐蕪曠地新  
關隴隴日正東所祈歌迺積其比復其崇

題陳太守煦翠螺遠眺圖

我家江水初發源宦遊直送江入海坡詩卻似爲公作惟欠金

山一宿在

君先以瑞州太守調任鎮江尋以例改太平

春江三月綠未波湖江而上

青山多烟雲變滅特詭異水晶盤裏一青螺青螺頂上祠仙李  
仙人亦是公鄉里樓上松風吹酒醒樓下江波湧月起山靈鸞  
鶴翔繽紛鳳笙龍管迎使君似言叔度來何暮目極江東日暮

雲

壺齋集卷三十六

五

次自題癸未所作畫韻

新篁解籜出林扉古柳重陰幄四圍流水自閒花自放青山原  
未禁人歸

卞太史

士雲

以侍御史簡任鳳陽太守未莅任制府奏  
攝安徽巡道三月稱治移守甯國作此送之

關吏毋須更乞留青山原本隸宣州忠貞家世傳西晉風月襟  
懷稱北樓百里謳歌同井閨九秋禾黍接原疇 璽書旦晚看  
眞拜竹馬重迎郭細侯

題許耕餘仁詩稿

何必今人遜古人賦詩要見性情真笑他丁卯橋邊客只解彫

鐫七字新

丁卯集古體絕無七言律居大半



清淮引與示兒篇脫口吟成近自然寄語東塗西抹手風雲月  
露幾人傳

苦樂根心總一音斷無無病強呻吟心聲只要傳心了此是遺  
山度世鍼

### 悼許耕餘

大患由來爲有身羨君蛻去委輕塵黑頭辦了人間事羞煞曹  
蜎一輩人

堅築湖隄抗門龍十年辛苦殉田功圩丁儻立田頭廟合塑君  
身配社公

小山叢桂樹婆娑纔得尊前幾嘯歌從此人琴跡俱杳清風明

月奈君何

叢桂山房君新  
草未及數月

慙余不是王文度君乃前身竺法師寄語丁甯屬諸子共論罪

### 壹齋集卷三十六

六

福夏何時

君亡後二十餘日兒輩扶叫君  
忽自至丁甯寄語以三子爲託

楊慶琛

觀察招集赭山滴翠軒登高僕病未能也小重

陽夜風雨達旦書此解嘲卽示觀察

幾度黃花照鬢新雪泥鴻爪記前因繫山雁蕩遊曾徧姑射鴛  
湖跡久陳萬里雲煙猶在眼一宵風雨又侵晨老夫不負登臨  
興未必山靈解笑人

來書有虛此令節未  
免爲山靈所笑故云

家山一簣枕湖邊不藉扶筇已到顛野寺苔封遊客屐虛亭鳥  
上酒人筵今茲禾稼看樓畝比歲波濤欲浸天自是使君勤問  
俗非關酬節要新篇

子月八日小琴招同子卿蘭泉三昧盦看天竹

一錢不值王君夫珊瑚二尺驕齊奴瓊鉤一擊愕且吁匿笑擲  
還六七株千年底爛不枯盡洗濁世貪嗔汙化爲忉利摩尼



珠熊熊光欲陵金烏許生招賞月在牽山僧愛護頭目如高張  
翠網幕碧虛飛鳥遠避雲中趨纍纍百琲垂流蘇攢襍齊玫瑰  
簷隅光華照人衰顏朱南燭天竺言人殊強作解事儒生迂爾  
雅竹類繁有徒莽節數密桃枝疏鄰中堅復箇中茶實曰青復  
滄鳳雛是邪非邪誰部居孫炎已逝郭璞殂世閒草木無音圖  
歸來作詩不能書眇昏兩眼紅糝糊

題雪茶觀察金陵策蹇圖

石頭城外春如海滿路楊花雪霜離策蹇經過凡幾人阿誰留  
得春常在楊雲少負不羈才萬里歸從百粵來爲感金陵李白  
歌丹青一再畫圖開韶光過隙何容易心醉江南佳麗地多繡  
重來又一時鶯花羃歷猶能記我亦長于數問津回頭八十五  
年春江山咫尺龍鍾甚輸爾當年驢背身

玉屏話月圖

雪茶時爲廈門  
玉屏書院山長

壹齋集卷三十六

七

海月初升嶠纖雲盡卷時將爲千里別荆惜一尊持賓主徐陳  
誼生徒顏閔期更憑起草筆兒出夜山姿

圖爲周太史凱  
作時爲臺灣道

戚子模

草蟲畫冊

叔楷高名動漢濱流傳花鳥有精神蟲魚豈是無心學未必皆  
非磊落人

抱葉新蟬聲不哀蜻蜓欲下蝶醒纔惜哉未令東坡見畫史虛  
傳雍秀才

望雪

細雨毛空不濕苔龍公未肯屑瓊瑰烟寒霧斂經旬釀竹下梅  
邊幾度來已幸秋雲黃被隴更希春浪翠成堆也知造物應千  
變隴蜀心貪亦自吟



湖亭喜雨

乞漿得酒總欣然快聽蕭蕭水石邊客至共移看雨榻亭虛如  
艤阻風船一羣鷗鳥舞還下數點山梅潤愈妍歸路滿湖雲不  
散玉霏漸欲趁華顛

道光甲午歲暮觀四兒

足民

作乙未歲朝圖因記乾隆

甲午京師下第南歸除夕宿陰平邸店述爲此詩以示  
兒孫

乾隆歲甲午予年二十五京兆下第歸車驅過齊魯除日抵陰  
平薄暮投逆旅門闌換桃符顛倒貼簷宇升堂置羹飯聊復具  
雞黍一杯醉燒春默默僕與主不聞茅屋中洗腆慶翁姥不見  
戲階前青紅走兒女但聞馬齧其空籠鈴鐸語天明入前途旅  
行逐商賈年豐民俗儉慨想其風古於今六十年棖觸如再覩  
述詩告兒孫奢靡媿鄉土安居作畫圖勞勞念父祖



壹齋集卷三十七

當塗 黃 鉞 左田

古今體詩七十三首 乙未丙申

管都轉 通羣 松崖先生少子 鉞 嘉慶丙子順天所取士

道光乙未春由湖南觀察赴長蘆新任道出蕪湖橫舟

過訪憶先生主講中江書院都轉未生今六十餘年矣

時出連陽秋凱圖屬題因書其上圖為都轉從平逆獠

作

洞庭高浪駕帆馳來訪衰翁感舊知此日碧幢領催嫂 時挈眷同行

當年絳帳憶先師郎君虎氣看騰上弟子龍鍾笑拙遲努力功

名上麟閣畫圖重為爾題詩

題借陰圖 圖為曹建亭先生在京時作先生名錫寶官御史贈右副都御史

壹齋集卷三十七

誰是昌黎舊屋廬題詩諸老盡彫徂百年鄰樹知何處剩有清

陰在畫圖

昔我僑居范彥龍曾陪末坐對春風寄言諫苑諸先輩誰識當

年御史驄 乾隆年間鉞寄寓范比部整家曾見先生范為先生門下門生

賢守家聲動薦紳下車先為振窮鱗到今猶借先生蔭活我圩

丁數萬人 先生令子江以安慶司馬來攝太平太守時遭大水之後官圩堤堰盡圯君力請於上乃得借項興築民生賴以

贈黃秀才 洲

為明景泰進士侍御讓公十二世孫讓先以言事被

謫後復為門達所構戍邊晚復冠帶家居縣令劉 憲 建

清風樓邱瓊山作記以美之其裔孫 紹洛 萬應中舉孝

子郡守鄧一芝為文大書孝子鄉三字於石碑在驛磯



而縣志失載又誤列孝子於國朝余既辨正之復約同人葺清風樓以祀侍御孝子焉

同姓由來古所敦况兼忠孝萃宗門風清樓迴懷先哲鄉失碑存待後昆器識卽今須自勵文章於道未爲尊讀書東觀儒生事莫負吾家孝子孫

洲與余同出江夏

### 園居偶成

致仕羅含纔有宅開園庾信卽爲家牆根翠蠹琅玕筍屋角紅稠姊妹花交息祇因無輩行耄荒那復計生涯詩成目瞖書難就一任欹斜墨點鴉

### 送子卿往宣城

北樓依舊對南樓別業昌黎不可求風月千年思謝李詩篇一代有梅歐敬亭雲自窗中度向水舟從鏡裏遊酒半倘逢張好

壹齋集卷三十七 二

好休將霜鬢爲悲秋

青山東望憶交親六十年中幾故人路近嬾游慚束皙情深有客似汪倫說書邸店憐痴絕泣別天涯感性真此去因君煩問訊楹書應未委蛛塵

朱无咎恒宣城選貢抱才早卒邸店說書夢中泣別皆當日事今五十餘年其遺稿

不知尙有存者否

玉水司馬攝太平府事僅三月旣勸築圩隄以免水患

又費俸錢四百餘千收買蝗子得以淨盡雖瓜代尙未  
有期而民情感悅爲位以祀詩以紀之

築堤捍水甫休工又報湖堦早有螽蟻賽罷社公還賽雨軒車三

月太忽忽

一斗青錢一斗蟪立看遺種淨湖灘却憐坡老經行處馬首曾

無毛長官



冀黃召杜本人閒誰說高風不可攀我欲辦香常供奉乞君管  
領謝家山

蛭子生青山  
腳下最夥

真苗懷新急待甘澤大令蔣君

兆鴻

步禱神山乞水靈

湫歸途卽有霑灑日來早燥彌甚憶東坡在徐置虎頭  
潭中以致雷雨因次其起伏龍行韻作詩以助禱冀龍  
之哀憐云爾道光乙未六月二日

前年雨急如伏弩更挾顛風猛于虎盪決江隄田變湖豈料今  
年御田祖今年麥熟秧亦栽三月甘霖未霑土神山絕頂有靈  
湫百餘年來人弗侮步禱齋心令尹賢三更直達蛟龍府清風  
汎灑隨中途惜哉不絕才如縷已蒙神力昨護持幸不爲魚終  
賴禹今茲敢望翻天瓢但乞鱗鬣稍吞吐樓起欣看四海雲沛  
然佇賀三時雨

荆楚歲時記六月必有三時  
雨田家以爲甘澤邑里相賀

三

壹齋集卷三十七

一夕霆砰鼓聲怒

烏鵲歎

中園古柳樹雙鵲年年巢今年始傳枝烏來抽其條初猶伺閒  
竊繼乃據而號鵲飛棄不顧烏喜聲益豪兒童見之怒持竿毆  
已逃須臾又復來禽逸人空勞烏遂占高枝自謂安且牢居然  
亦生子獲獲身未毛物情困陵暴天意難逆料那知在巢雛遽  
食宵飛鴉傍徨一何悲繞樹昏連朝回看雙飛鵲引雛登柳稍  
鵲聲自楂楂烏維音曉曉

子失巢已傾將伯呼誰助胡爲日啞啞徒令聞者惡譬彼毛羽  
成終自拚飛去或云非得已烏賴子反哺母哺子六旬子亦如  
其數當其受哺時毛脫不能翫曰孝復曰慈嘉名因以著禽言  
人不通或以此情訴我聞笑且歎名實何不顧陽烏莫厥居社



燕巢覓故鷓鴣一枝安鷺絲唯好露苟且笑茲禽非所據而據  
惜哉慈孝名枉被攘斂汗

喜雨 六月十一日

駛雨及時降炎官頓失威至誠能動物祈請自通微天際烏雲  
合簷牙白練飛登豐安可必庶息漢陰機時邊江田畝以車引水日數百人最爲勞苦

足疾遣悶

老病兩相因人閒豈獨我已苦卻克眇復效良夫跛眇將終身  
焉跛猶冀其可奈何毒暑蒸一月深甑坐徒跣慚兒童扶掖乏  
嫗妮深藏學蟄蟲惟便終日裸下邑無藏冰斗室如蘊火蟲蟲  
復欺人口鍼劇飛竒奇癢不可爬肌膚起磊砢好風來何時吹  
落雲朶朶清涼蔭大千我行亦貼安新杭玉粒香鮮魚綠荷裏  
一醉湖上花此願必應果衰齒幸具存尙能甃瓜顛

壹齋集卷三十七

四

見者憐之

我書本不工無法手愈滑鄉人誤家鷄競欲求惡札卷軸紛雜  
投戢戢束如藉暇輒取鴉塗大類米顛刷徒供素壁糊終費斐  
几刮念昨供奉歸十度柳嘶蜚臂無御敕封眼已太視瞎爲詩  
榜座隅見者幸加察

望雨自解

連朝雨勢屯東南雌雷殷殷雲曇曇先期得澤已二寸計日尙  
未過三三十一日雨及今僅八日雨師似欲急人急天意未許貪夫貪况  
聞祈禱遍燕趙犁不出憂丁男姑緩須臾此稍可饑者得食  
尤爲甘天高聽卑笑開口此子言語非游談呼龍按部降膏澤



飽聽萬谷笙鐘酣

立秋日雷

石湖曾有秋雷嘆萬斛猶嫌字轉來若使傾盆不寸雨何妨破  
柱一聲雷

秋雷嘆注諺云秋字轉損萬斛十  
四日立秋有辟歷而無樹雨故云

苦熱三十韻

大暑譬酷吏今茲酷更毒如聚周來徒雜治事窮鞫兼旬不解  
嚴一意恣熏熇疾雷閒有聲流雲終嬾族於時屆立秋紀侯過  
中伏庭宇烘爲窯几案蒸入木羽希烏倦飛舌喘犬難縮泣露  
蟬鳴哀祝雨鳩對哭池蓮鬱愁紅林木墮病綠風欺巾拂停汗  
漬縹緗辱歎陽四溟同忙苦三農獨骸垢習泥塗背圻忘日曝  
趨炎若榮利急功甚鞭扑天高河空明江遠潮誰續龍骨銜尾  
翻翠浪分疇沃救暘息午陰在夢飯初旭不知田一稜能得穀

壹齋集卷三十七

五

幾斛嗟予精力衰畏見陽光昞暗室自彎跼作繭效蠶蝟朋從  
謝往來酒食厭微逐神清晝慵眠目警朝罷讀拋荒萬卷書孤  
負一園竹清風招不來明月向誰燭惟有一寸心踞向九霄告  
厥田有上下厥種分種稔但乞稼連雲何憚汗如浴雨師和陰  
陽仁閔定符祝寒暑遞循環豐凶在轉轂一夕澍潤周萬井衣  
食足移榻綠陰眠夢覺黃梁熟

中秋夜雨聽曲獨酌

誰碎黃金滿地捐枝空蟾窟雨連綿欲邀明月成酣飲叵耐浮  
雲妬管絃破悶有書娛獨坐聽歌無客啓賓筵宵長秉燭猶嫌  
短老去流光只自憐

子卿游九華山以未至天台爲憾賦詩見示感成此詩  
天台名不載圖經但說蓮花九朵青一自新羅王子住支峯蔓



壑遂專靈

太平御覽引顧野王輿地記曰九華山高一千丈無所謂天台山者疑太白江上所見卽今俗所謂天台

香花溢露委躑躅強把名山當要津寄語紛紛求福者可知地藏亦詩人

天下名山游未能黃山雁岩也曾登而今大有臨池懼瞎馬盲人恐不勝

題名苔蘚繡分明爲說歐陽領客行六十四年雲散盡龍鍾惟剩一門生

聞東崖有竹君先師乾隆壬辰在安徽學政儲幕客張方海邵二雲洪稚存黃仲則來遊題名今無一存者惟余在耳

### 壽仙霞六十

筆陣橫馳四十年鞭笞鸞鳳懶登仙恥因方叔揚雄論誰和昌黎薦士篇金鼎功名身外事鑑湖風月性中緣

君居湖上十數年

酒釀梅花發爛醉何妨錦瑟邊

### 題楊雪茶擦鬚圖

閉門覓句吟何苦擊鉢催詩意太忙爭似香溫茶熟後擦鬚危坐柳絲鄉

佳句無心壓元白時名底事較王盧須知盡得風流處不在驚人在白娛

### 雪茶疑前詩非自書更求親筆口占示之

窺覷兩目久模糊深悔名心未掃除爲報使君休聽熒此詩不是攝魂書

### 再題息機軒圖

并引

乾隆辛丑歲暮曾爲未齋先生寫此圖明年壬寅子月同客安徽學使使院清風亭下又作此紙今五十四年



道光乙未爲族人立方所得再題此詩

新圖凡再寫此紙已三朝白髮人誰在清風跡久遙弄藏煩好事重見又寒宵兩目昏蒙甚題詩不自聊

畫境今誰識高齋昨過非惟餘花覆水軒前方池尚在無復竹當扉歲

久丹青失年衰圖史違笑看執經者猶自戀書幃

書汪豆村榛詩稿後

新警天隨子工腴范石湖胸無唐宋界筆有性情俱清氣從誰得斯材與俗殊挑鐙重頌老眼不模糊

嘉慶辛未之冬余視學山西還朝儻居兵馬司後街

與子卿對門而居除日子卿畫圖賦詩紀事余亦和作

稿久佚去道光乙未歲除偶閱舊圖錄而存之距京居

二十五年矣

壹齋集卷三十七 七

並宅人今作比鄰盍簪歲晚倍情親青山茅屋誰同治明月梅

花夢又春初到酒錢囊未澀懷歸詩句字都貧樽前似聽兒童

笑二老談諧若有神

一年歡賞動頭時明人題畫句畫境憑君刻意爲張王一爐炊後火

縱橫幾卷祭餘詩分無春菜傳纖手賴有唐花助展眉獨惜凝

兒慙玉潤枉捫枵腹過書帷

老眼書昧夜明戲書二絕

發冊陳編更炷香觀觀兩目晝無光長恩似惜殘年福只許青

鐙讀幾行

已分花枝霧裏看何堪對面失青山從今別有登臨樂秉燭終

宵不放閒

晚食



開餽飯香青菜熟兒女團欒聚滿屋女紅初罷兒放塾如享太  
牢歡不足人生此境良獨難等閒莫作尋常看十千沽酒但一  
醉萬錢不足何其貪

丙申元日

不待雞鳴起衣冠奉瓣香祀先虔跪拜示後敢頽唐九十行將  
至詩書宵暫忘惟期眸子瞭炳燭盡餘光

哭順天府尹田

高年

六首

君諱嵩年字季高山西孟縣人嘉慶丁卯

鉞

視學山西

觀風得君文奇之戊辰正月卽招君讀書幕中庚午任  
滿還朝以優行貢君太學仍館於

鉞

己卯舉於其鄉

庚辰鉞典禮闈君成進士改庶吉士道光壬午散館授

編修召入南書房供奉丙戌鉞子告歸田始與君

壹齋集卷三十七

八

別蓋至是相從二十年矣癸巳大考翰詹君名第一陞  
奉天府丞乙未擢順天府尹冬十一月七日抵任明年  
元夕無疾而逝年四十有九君端謹清勤孝友根於天  
性工書能畫善琴故一號夢琴去冬子月十六日寓書  
於鉞自言恩深才短不克勝此重任孤負平生卽在  
此舉讀其語異之不意竟成惡識悲哉惜哉垂死之年  
失此良友不能已於言也哭之以詩

哀情吉語並時傳僅閱冬春月再圓憶共晨昏居廿載眼看官  
職歲三遷趙張有志難酬願終賈無年欲問天聞道燈宵同蝶  
夢蘧蘧一覺竟飄然

手種名花正向榮猛驚摧折淚縱橫劇憐報國愁無術深恐孤  
恩負此生遺札未塵傷永逝生芻何處哭明旌翻嫌人語參疑



信幾度沈吟句不成

沈詩任筆擅才華扈從相隨托後車客久鄉音漸同俗交深世  
講况通家君客余家二十年熟習鄉語聽者幾無以別君尊甫  
與梅與余同舉乾隆戊申鄉試君弟頌年與五兒富  
民同道光  
乙酉拔貢視君猶子言何敢事我如師禮有加一別十年成萬

古召猶西望日重遮

三閔花竹讀書齋四友文章著作材四友謂陳玉生中丞陳蓮  
也庚辰辛巳之間常就余 賜第餘清齋會文乞余點定今王  
生開府江西蓮史亦陳臬於是惟復亭卒於安徽學使任今君  
又殞焉 崔李昨曾同硯席應劉今已赴泉臺形神畫裏還相接  
悲夫 壹齋雅集圖  
四子皆在焉存沒天涯亦可哀為報西江兩陳子定知雙淚落

濯濯

澤州謂陳文  
貞公風雅最開先接武河汾孰繼賢往日鴻辭得吳天

章傳山于今連璧有祁嵩藻田晨葩承露方驚豔落葉隨波去

壹齋集卷三十七

九

不還君大考落葉賦蒙  
筆朱圈者數聯 御珍重同官復同里茂陵遺稿屬誰

編

君猶如此我何堪枯寂如僧寄一龕生世光陰誰滿百行年九  
十祇餘三何人利濟言無負此日恩仇說亦慙地下料應同一  
笑浮雲富貴又焉貪

三月二日雨

一夜風雷雨餘威曉未收夢中驚石破枕上走江流莫惜花枝  
流行看麥隴秋山農定交賀秧水可無憂

筠生小琴得景定元年殘輒於驛磯江上因題

拾得殘輒景定年阿誰棟宇大江邊遙思大厦將傾日闔馬丁  
當更可憐

四月一日食時魚



江雨初晴四月天漁人泛槩破朝煙老饕口福殊過分開網時  
魚得最先

放歌示子卿

君年七十八我年八十七與君平生若膠漆君過殷七七我近  
陶八八君耳雖聾愈我瞎我瞎不能書我歌聊自娛眼前有景  
道不得漫學盧仝鬼畫符盧仝詩頗能記昨日仝不同異自異  
是謂大同而小異今日仝自同異不異是謂仝不往兮異不至  
與君近年略相似三春花九秋月一似故人十年別光儀若可  
親形神不相接有書難共讀有酒祇孤斟索索無真氣昏昏有  
俗心坐夢仙人授我光明經一誦海水立再誦神山青豁然暫  
見絳闕黃金庭盲臣稽首再拜急切而屏營垂死目無見此罪  
胡爲嬰帝曰女徬無女燕女食有吟聲廉隅雖自厲聲聞常過  
情罪誠烏得無奈何殘其形乃命離婁刮其膜還其睛頓覺兩  
眼光活如流星帝曰自今伊始慎毋察察矜爾明遽然一覺如  
酒醒急召毛穎楮先生書以告之王子卿

壹齋集卷三十七

十

嘉慶二年丁巳蕪湖紳士龍士彩等以蠟磯靈澤夫人

素著靈異合詞陳請安徽巡撫朱文正公奏乞封號疏  
入 報可旋准禮部咨奉 旨勅封徽號曰崇節惠利

扁額曰英靈惠濟越今道光十六年丙申已四十年五  
月二日拜謁祠下上雨旁風漸有不蔽之勢陳請十二

人今惟 敕 在義當言於有司謀重新之

日者蠟磯去江明古觀開宋爲常淵觀碑名惟我在廟貌歷年頽崇

節承 天錫維風冀後來及秋禾稼熟匠作莫遲回

目盲偶吟



百體不從令雙瞳尤憚勞翻書孫替目起草指窻毫守黑常師  
老惜陰難學陶猶欣北窗臥不礙聽松濤

書尾蠶眠字分明手校初如何一年見己似隔生青轉眼成今  
古名心頓破除昏蒙同在夢且復樂華胥

道光丙申夏五廿二日與許小琴勞公祠觀蕭尺木書

壁口占九言長歌記之勞公名永嘉浙崇德人萬曆二十九年辛丑進士三十年任燕

湖縣去而民祀之

太白祠前蕭公所畫壁風帆上下人人能見之百餘年來題詠  
凡幾輩至今猶誦綿津山人詩豈知蕪湖亦有畫一堵近在城  
北二里勞公祠口傳亦是尺木手所作我生八十七歲今始知  
觀觀兩目欲瞎恐不見急邀許子同往觀勿遲入門先叩畫壁  
在何所山僧導我殿後趨連移牆縱八尺其橫亦如之四松矗

壹齋集卷三十七 十一

立翠葉交紛披劃然五丁壁開兩青壁中有白龍掉尾從天垂  
瓏瓏瑤瑤不知幾千尺涼雨灑面謾謾松風吹筆蹤健拔墨法  
亦蒼潤想見當日解衣盤礴時細觀兩旁塗暨有缺齧疑由圯  
裂題識靡所遺勞公掀髯一笑君何癡此與太白祠前雖小弱  
幸未剝蝕冷僻藏於斯章偃已逝少陵不復起世閒詩畫紛紛  
徒爾爲勸君收視返聽且面壁一任雲煙過眼神毋馳

曩有蝗患農民輒幸曰尙未開口意其翅股未具不能  
飛齧耳昨得飛蝗數枚翅股已具身及二寸驗其口堅  
固不可開若有神禁之使不得開者乃知農民所謂尙  
未開口者非不能開不敢開耳

春秋書有蜚食稼斯爲災往歲閒有蝗鞭朴驅愚騃幸其未開  
口祈請田祖哀百戲酬百神不惜傾資財昨有飛蝗墮云自田



聞來趨趨頗健勇竊齧惟其才試花齒不露試草首不回怪而撥其口兩齒分明排有若誰絨封膠固不可開願受梅雨爛不就炎火灰乃識蝗起滅端由天主裁有口不敢啟一聽神使差祈禱與鞭朴徒勞何益哉因思防民口至理誠可推

賦得林閒背日樓效諸孫作

何處堪消暑三閨背日樓論園方買夏倚檻欲支秋西北浮雲接東南萬木稠火輪飛不到涼葉蔭還周山雨來毋驟松風聽未休一聲長笛撼雅韻倩誰酬

六月十八日食新示家人

香輒新秬飯一盂費他六十日功夫六十日自見放翁詩注稱人所謂六月是也居然又飽殘年腹不讀詩書愧也無

頻年豐稔頗難期願爾毋忘在莒時莫學堯民徒擊壤不知帝

力但游嬉

書餞圖并引

道光乙酉冬余將乞休先期載書南歸作餞書圖丙申之夏兩目忽盲束書不觀者累月因作書餞圖昔者我爲主書爲客今者書爲主我爲客矣諺所謂瞎說耳然亦諷夫有書不讀及不瞎而不讀書者

昨者我餞書今日書餞我昨者乞休餞書歸今日家居面書坐開卷視茫茫繞榻行徬徨嘆息呼負負見者神爲傷書曰君毋苦悵恨亦何補與君交不薄周旋自總角見子賦壯游見子困離索見子晚登第見子躋臺閣南浮江漢西抵雲朔東至海濱北沙漠從君六十年風雨一鐙守縱橫萬餘里舟車常在手蟲鼠不敢侵盜賊望而走感子肺腑交勞子夢寐憶何期耄將及



相對不相識念子舍我別忍不壯行色纓綳作几筵卷帷爲餽  
列醉子以六經未必能酩酊味子以諸史得失究誰是飶子以  
諸子百家插架紛如麻不如一樽酒請君消百憂聽我一言非  
謬悠譬如生本無兩眸又或愚蒙不識字日高睡足快活無與  
儔君不見紉袴子視我方如仇我將退棄柴煙糞火中甘與脈  
望游又不見海內藏書樓宋元善本不惜千金收丹黃細字精  
校讎幾家子孫能讀不

壽駿生觀察六十

勇退人曾擬謫仙罷官况甫服官年慙余衰老歸田晚憶子英  
資舞勺前乾隆戊申鉞舉於鄉尊公鶴岑先生攜君來買君年甫十二史有彈文留諫苑家  
歌惠政在巴滇一杯引滿還相祝飛步從今似偃佺偃佺能飛行速走馬見搜神記君足疾未愈故云

壹齋集卷三十七 七

道光丙申展重陽日舟過青山游謝公池白雲寺作詩

四首

少小青山日夕看卅年塵夢隔煙巒壯游浪詔登臨易歸老方  
知補到難犖确不辭行徑險荒寒深歎茂林殘年饑山木被伐殆盡荒庭  
廢井今何處剩有清池一畝寬

改築山樓祀五賢年饑工歇重悽然故人化去經周歲謂陶漢傑經營此樓未成而死詩石刊成已七年五君詠作於道光十年已刻石未嵌於壁亦有虛池映明

月略無修竹媚清漣白雲依舊巖前宿未必雲中下謫仙  
勝蹟從來少廢興情將泉石付山僧那知謝李人何似惟願田

禾歲有登僧皆務農宅古憑誰尋所在墓新過客拜何曾范傳正有墓

序蓋自龍山樓頭平仲差堪語說與迷蹤或可能鴨脚二株大  
可百圍數  
百年樹也



省墓歸途暫櫂舟行年九十始來游眼昏僅可觀其概名盛原  
難副所求應節黃花香滿把著霜紅葉醉深秋吟成口授桐孫  
寫孤負青山別北樓山中謝公樓亦向北

何農部順之載酒過我作此報之

箋詩註禮鄭公鄉四十年前到講堂韓愈諸生人盡識君尊公奕山先生遠於漢學任燕湖校官從游甚眾蘇瓌有子後應昌驊驕小蹶曾何礙圭璧持躬要自強顧我能詩還載酒盲翁飲興久頽唐

寒夜

澆寒有酒嬾孤傾火冷香銷欲二更兩目已成張太祝著書難效左邱明映窗月皎燈無燄撼竹風多鳥不驚自嘆殘年如日暝誰憐心跡似冰清

昨謁靈澤夫人廟嘆其傾圮言於攝蕪湖關道甯國太

壹齋集卷三十七

守宋君

國經

出金修之閩五月工竣詩以落之

按方輿紀勝戰

鳥山在蕪湖縣西南五里大江中舊名孤所山相傳桓温鎮姑熟時常屯兵於此夜中聞宿鳥驚啼温疑為官兵至故名今蕪湖大江西南別無他山則所指當即螺磯然則澆磯舊名孤所至晉時為戰鳥澆磯之名疑起於唐宋間放翁入蜀記澆磯有道士結廬其上政和中賜名甯淵觀舊說螺磯有螺能害人方郡縣奏乞觀額時惡其名因曰磯在水中常沃石故曰澆磯孫夫人事不載於史辨者眾矣而捍災禦患則祀之故老傳聞必有所自且又安知非史臣尊蜀黜吳所載失實耶附識於此

茲山竇孤所戰烏自桓公宋有甯淵觀時為羽士官夫人傳軼

事大節殉江東有舉莫敢廢褒封兩代崇亭林集螺磯詩高皇事業山河在留得奎

章墨未枯自注廟中有高皇帝御製詩金字牌一副今不知遺失何處矣惟神座上有洪武寶誌似非其舊

太守來何莫崇祠不日成頌聲起商旅神聽亦和平磯水分吳

蜀江風管送迎靈席何以答椒精致精誠

題圖送何順之



一同相見一回衰又送征帆歲暮開此去揚州三百里梅花正發待君來

狂歌痛飲見天真善哭唐衢感路人我有一言相勸勉也應珍重不費身

朱貞女

并引

貞女六合海甯朱恭壽妹也婿周死事母不嫁守貞

三十年

南齋舊史朱先生有文著錄曰原貞引經據傳設問難惜哉蔣氏之女門未旌海甯孝廉六合令先生同鄉復同姓妹去婿周未合登婿賢而才死非命失足落水守貞奉母三十年佐嫂今猶理家政吁嗟乎女節儷臣忠白衣不仕將毋同九原喚起竹垞翁皇朝勵節 恩旆洪君不見魏巍綽楔撐青空我耄且盲筆墨

壹齋集卷三十七

五

久廢置執卷曹然不識字使人誦之悉其事盲歌野語烏足傳登之國史有史氏

望雪

十日不出戶逢人意不歡三冬無寸雪千里苦嚴寒穀賤傷農暫遺蝗入地難蝸廬何惜臥我願學袁安

圓照僧至

爲報山僧至梅花開也無今年風雪少向北幾枝枯近歲日無事何時雲滿湖盲翁久不出乘輿或攜壺

不寐

夢回仁聽雪聲寒坐起徐聞竹葉乾正是五更雞欲唱幢幢無燄一燈殘

博得農夫笑不遲果然三白荷天慈盲翁自笑貪癡甚知噉殘



年飯幾匙

壹齋集卷三十七

夫





壹齋集卷三十八

當塗 黃鉞 左田

古今體詩五十九首 丁酉

喜雪 丁酉正月三日

宵聞霰打瓦曉見雪盈溝聊慰三冬望仍希尺澤優民心貪未厭天貺厚難酬妄意春膏動油油翠浪浮

復雪 初三日夜

又見瓊瑤積居然二寸餘乞漿真得酒取掌更兼魚乾鵲營巢日梅花欲放初老夫情緒惡暫遣鬱懷攄 時次孫女病勢危急

道光戊子張觀察 祥河 典試閩中得林 鴻年 何冠英二

士丙申春榜以狀元榜眼及第潘相國 世恩 主試禮闈

作詩賀之觀察見示次韻奉答 鉞 目盲不識字使人誦

壹齋集卷三十八

之誤蚪為裘老懶不復改易矣

六榜曾將俊秀收千人著錄姓名留青雲得路推先輩舊雨聯

吟感昔游 詩船在京與余唱和甚夥 閒聽彎弓頻中鵠快看集腋竟成裘 余門

下士京官自侍郎卿寺翰詹科道郎官外官自巡撫司道郡守縣令皆備庚辰一甲三人同官江右錢君寶琛梁君夢涵同官浙江壬午順天鄉榜今猶有第進士者可謂一時之盛 餘波綺麗猶堪喜門下門生三狀

頭 謂吳修贊鍾駿汪修撰鳴相及林君也

春浦侍郎遠惠鹿尾

十年不飲紫瓊漿仙液猶留齒頰香重感故人能念我喜從新歲遠攜將冰霜未變如初割椒芥同蒸恣飽嘗何幸餘年叨尙

食

君恩一飯敢相忘

晦日



古人重初晦六朝沿及唐泛舟恣嬉游歌詠陳壺觴啼枝復笑

樹麗藻傳文皇笑樹花分色啼枝鳥休假給膏糜令典著為常

唐六典晦日凡官吏休假一日膳部並給膏糜昌黎送窮筵亦以是日張或者懲奢俗

藉用攄慨慷逮宋寂無聞佳日遂不彰開年雨雪多人土尺澤

強雖阻魚龍戲可卜來牟穰侵晨忽放晴林端見朝陽喜植古

令節際此好春光無人修故事兀兀坐若忘庭梅憐我盲吹香

送茅堂

紫竹庵有松杏比附而生遂成連理作花亦茂因成此

詩

青松若高士紅杏如麗姝一為幽閨豔一為深山暱奈何相比

附連理同根株杏花愈綽約松翠益青腴得毋褚彥回鬚眉乃

非夫彌勒笑開口子言太拘迂不觀枯楊稊易象猶取諸特恐

漁色翁藉口為登徒

或言君大誤所聞與我殊昔者有思婦寄身此庵居祝髮為比

邱日夕懷其夫夫行久不歸血淚為之枯何以系我思植此樹

兩株松以譬藁砧杏以喻其軀飛為比翼鳥潛為比目魚久久

自糾結精誠相感孚情哉姓氏湮口傳自鄉閭聞之重悔歎改

顏為嘻吁前言戲之耳存之以警予

海棠

海棠著雨暹幽妍說與盲翁祇自憐忽送游蜂喧到耳紅霞一

簇落簾前

日暖風和三月初紛紅駭綠儘堪娛自今不認看花眼桃李漫

山未覺麤

余年八十有八兩目昏蒙幾不識字猶勉為鄉塾師諸



生課藝使人誦之以定甲乙誠所謂問道於盲可笑不自量也因藉廖君穀堂寫問道圖以自鑑其醜並以勸諸生及時勵學也

四達三义夙所知坦行猶記未盲時一從大道亡羊後頗識歧中更有歧

耳視何如目聽真茫茫前路倩誰分惟將辛苦經行地北陌南阡說與君

目盲作詩不能起草有客教以畫沙如仙降乩者使人錄之行之甚便昔先師朱文正公云我不憚作仙人第恐降乩詩不能速成耳用回道人東老庵韻賦詩三首博客一笑

昔侍盤蛇坐鄂不鄂不草廬文正公齋名酒酣猶記笑談餘他年倘從飛

壹齋集卷三十八

三

仙後手攀榴皮不敢書

鈍根笑我更粗疎妄拾仙人唾欵餘一字吟安鬚早斷幾回咄咄向空書

陳元子墨都無用截荻錯錐便有餘莫恨臣無二王法此書真是畫沙書

陳繼昌

方伯自江西之任山西檣舟江上過訪荒齋賦

此送別

山西我昔游河山雄四塞輶軒所經行景物粗可績省南走潞澤關北極雲代濩澤逼太行嶮巖車可逮雲湖地苦寒樹藝鮮壤塊種惟苽麥宜苽讀若油麥別種得飽卽天賚河東唐劇郡勝蹟半湮廢茅津剝鐵牛沙土埋及背平定雖邊州讀書知梗概祁田人中豪存歿良可慨俗儉無越思地瘠貧能耐山樞蟋蟀篇唐



魏風仍在保富以安民民亦知感戴况昔有先正功德著海內  
陳吳于田孫國史三朝載君行取法之定不讓前輩九府十六  
州德行自無礙吾衰目復盲此會恐難再杯酒餞君行不作可  
憐態珍重不賞身爲 國幸自愛

久雨

久雨妨農事春寒夏復寒秋新纔刺水江遠欲平灘聞說蛟爲  
患連宵枕未安盲翁出無路愁絕一憑闌

遣興

誰將塵空眯衰翁推墮公超霧市中覲面交親形略辨賞心文  
字讀難通何曾虛室能生白但怪林花不肯紅記得去年三四  
月芳筵猶醉牡丹叢

食時魚

壹齋集卷三十八

四

卅載時魚憶故鄉十年家食願能償老饕節物交相遺小聚朋  
簪恣飽嘗榆莢雨晴初入市若榴花放近端陽尊前細骨猶堪  
辨莫謂盲翁視已忘

淮南子眇者不忘視

次韻題小琴味泉圖

時將之廣州任

邨上鳴琴自在橫耳邊石銚鼻餘聲會須味出清泉味閒看鑪  
烟百態生

能知清濁因山判自識貪廉不異源却笑又新空作記強加名  
品水無言

讀大復山人時魚詩有感

時魚明代貢仲默有徵詞賜徧中官早筵開寢廟遲銀鱗容易  
餒玉饌大非宜驛騎論清俗紅塵媿荔支

繁昌謝

湖

工琵琶五月四日許小琴招集王園聽彈海



東青拏天鵝曲蓋琵琶古調也賦四絕句贈之

天際真人不可求北窗企脚也風流新聲定有家傳法不在輕  
櫛與慢擲

非關哀怨說興亡不襲梅村舊樂章同在王家園子裏莫教錯  
認白三郎

繁聲劇響悚然聽寫出摩天搏擊形不是憑虛空想像我曾眼  
見海東青

故事遼家鴨子河年年河上捉天鵝分明監得頭鵝腦羽血風  
毛四野多

五月十二日喜雨

晴鳩聲謹雨鳩苦喜見朝霞光照戶插禾刈麥村村忙丁男不  
足充婦女忽傳山南有遺蠅縣官下鄉募夫捕分身無術計安

壹齋集卷三十八 五

出額場泥沙籲田祖龍公霰然泣如縷悲憫三農不忍覩遣散  
原疇數百人大沛滂沱三日雨聊補嚴冬積雪飛一洗蝟蠕靡  
入土縣官入城農飯午冒水新秧高尺許獵獵臨風翠交舞我  
歌短歌樂未央計日稻花香欲吐

五月聞鶯

古柳垂陰筍出叢黃鸝又見綠忽忽山谷主林似慰園居寂故  
遣歌喉伴老翁

休訝嚶嚶出谷遲此聲料得少人知可憐甚紫梅黃後始聽深  
林獨嘯時

粟留搏黍最多名或取諧聲或象形指似兒童渾不識我家禽

久著葩經蕪湖向少黃鸝人多有不識者

何處飛來片羽輕攜柑人去境淒清莫欺時過音聲老宛轉猶



能學鳳笙

壽子卿八十

子卿明年年八十屬我為文過蓬壺老盲不解人間書急召桐  
孫來把筆君年七十我為文流光過眼如飛雲尋常頌禱烏足  
道夏夏務去陳言陳與君交游六十載平生意氣傾山海投報  
詩篇無歲無微吟各有箴規在出守彭城經幾年雙旌五馬忽  
移虔司馬倦游方憶蜀歐陽未老竟歸田夙世于湖是故人歸  
來堂址又重新都將風月三千首付與湖山幾度春莫謂清高  
風雨隔黃塵亦有歸來客臨水登山續舊游春花秋月尋陳迹  
不意陽侯解為厄入市真堪撐一葉方思為食法黔敖又報翳  
桑臥靈輒義倉鄉塾共經營廣厦居然不日成萬斛珠璣付司  
庾一庭花竹聚諸生士夫為善樂鄉里和氣熏蒸天亦喜不觀  
天上石麒麟分送君家兩孫子我詩質直不工諛妄意鋪張語  
近誣眼前功德各努力再世汾陽知有無百年本是人生壽不  
比神仙世希有待君九十再為文我正春秋九十九

偶書

飽食閒居不自聊書空咄咄首頻搔銀針有客貽乾焙槐葉無  
人和冷淘一瓣所甘惟菜釀千金何苦效盤臊庾郎枉被庖人  
誤妄擬何曾作老饕

見李賀詩

唐外孫徵鏐得大興選貢志感

父母俱亡後科名發軔時仁聞千里信轉益卅年悲誦讀隨諸  
舅恩勤仗阿姨幼育於二女顯揚猶未晚莫負老夫期

蕪湖東門外出世庵釋悟真死三年矣開塋視之儼然



如生其徒將槩而祀之彼法中故事也悟真余曾識其人聞其適萬里謁名山然一指以受戒蓋苦行頭陀內有所得非有異術致此也恐妄語流傳以滋衆惑爲說此偈

三年不壞得全真共說如來有嗣孫我爲悟公下轉語枯蟬乾蝶偶然存

點心見輟耕錄所引唐史鄭僂傳今市有和米粉作桃杏大中實以糖煎以沸油曰油餠四十年前未之見也按玉篇餠丁回切俗人呼蒸餅爲餠類篇都回切九餅也或省追作自又從麥作麩蓋古以麥麩爲之集韻又從米作糲是今之以米粉爲之者亦有由也釋名餅并也溲麩使合并也有胡餅蒸餅湯餅餠髓餅金餅索餅之屬皆隨形而名之也九餅其一種耳不似今時按之使平規之似月始謂之餅也喜其近古詩以誌之遇物能名絕少人紛紛譌替不堪論那知糗餌粉餈外尙有陳隋古字存

食新 六月廿八日

去歲月既望六月十日今茲月下弦食新遲十日刈熟又經年未必家能飯應憐笑少烟力耕老無用空自說歸田

有自巢來者言六月上旬天大霧漁人打魚網重自以爲得大魚舉之乃蝗也始知大霧時悉投入湖中自是遂絕而魚蝦不可勝食異哉

遺蝗飛滿天秧稻日以長官民苦無術神乃發竒想大作公超市驅入豫且網漁人驚得魚舉之一撫掌須臾飛變潛揖揖生



日廣我欲勸巢人報施不可爽前生彼不殘後化我當養朵頤  
姑徐徐斯理神所獎

足疾戲成

蹣跚難藉短長筇禦濕無心問麴窮強作小詩惟抱膝笑將蝸  
室擬隆中

登山臨水久無緣斷墨零縑忍棄捐酷似原蠶絲未盡可憐吐  
出不成綿

七夕讀柳子厚乞巧文有鑿臣方心規之大圓之語因  
記元次山惡圓篇云其甚者則終身不仰視曰吾惡天  
圓二說未知孰是余亦欲就天孫問之

惡圓元子不窺天子厚方心乞鑿圓試就天孫陳二說不知巧  
拙屬誰邊

七月九日雨

壹齋集卷三十八

八

索綯雨腳望非遙字輓雷聲莫達朝秋稼如雲方待澤黃金遍  
地喜符謠昨日立秋迎秋三寸雨蘭香排闥侵爐篆竹色連陰  
混柳條準擬今宵涼不寐挑燈重聽響蕭蕭

夏秋午後有籃魚入市者謂之釣上此蕪湖舊俗也晚  
飯得鮮鯽二尾詢卽釣上所得喜其鄉風仍在爲賦三  
絕

烟水菰蘆罷釣竿咄嗟而辦便登盤分明舊日先生饌五十年  
來又飽餐

青鮎巨鯉互駢羅入市腥風掩鼻過何似纖鱗三四尾半籃秋

水養青荷乾隆甲辰  
詠鮎魚句

手調鹽醋作羹湯貧賤夫妻老不忘滋味須知無厚薄但從清



苦得來長

鉞家食必先室  
耶夫人手製

禾稼將登田澤閒有鳥大如稚雞朱味而綠足足高四  
五寸肥美可食土人不知其名謂之高雞以其足高而  
形似雞也按本草綱目秧雞也又名爲鷓鴣廣韻集韻  
類篇皆曰鴝鵒也鴝鵒怪鴟也從無居田澤者時珍誤  
矣

有鳥狀如健羣呼爲稻雞每從秋穫見未解應時啼徵雅知何  
屬箋名誤考稽茂先休炫博號萬物難齊

丁酉九日小璘小琴招同滴翠軒登高歸飲崇義菴

盲翁九十強登高拾級梯雲不憚勞笑倒于湖老居士題糕未  
必卽詩豪

淨掃精廬待客來山光青入手中杯黃花似畏詩牽牽故避重

陽不肯開

九日嘉興對菊花長吟潦倒嘆年華于今爲數桓公客剩我龍

鍾一孟嘉

時出乾隆嘉興試  
院對菊詩示二君

花似霧中看亦好山如畫裏望逾妍盲翁腰腳猶頑健不把豪  
遊讓少年

挑薺

何處堪挑薺又加鄉塾中不隨衰草萎獨出古苔叢爲菽臨冬  
美先生歲兆豐青霜雪裏正與後彫同

子月旣望錢中丞

寶珠

之任湖南維舟過訪贈詩賦答

草堂忽枉中丞過老眼觀覩識舊容兩湖聲名媿郁召十年離  
別判雲龍洞亭木落波痕縮鄴祿年豐酒味濃此去政成定多  
暇新詩時寄兩三封



三昧庵看竹圓照寺探梅因題其壁

足音闕寂徑生苔，彌勒山門笑口開。  
賸有此翁情不薄，一年一度到庵來。

肩輿曲屈轉山隈，問詢梅花尚未開。  
可惜琴聰仙化去，不教樹下共徘徊。

琴聰謂梅根三昧庵詩僧也亦能琴

次韻春浦學使見懷之作

三千道里遙七載，都門別百書。  
不一面涕淚，何由雪老懷。  
如愁雲北望，常鬱結。忽傳使星臨，信到寒月缺。  
子月幾望得君南來信謂可朋盍簪不比車，異轍朝庭有功令。  
江山限旌節，差喜門未扃。猶幸簡可折，俾來喜欲顛。  
執書如執熱，迴環置復觀。語語皆親切，附以詩一章，近事覩縷說同里同門生。  
一一為論列，重念任西華。葛屨寒欲裂。  
謂田季高諸子古誼得郭文，觀察文章觀察沅沅左右為提挈，慚愧

壹齋集卷三十八 十

哀老翁師名徒，妄竊時當月在涂。  
北風吹凜烈，暨陽風景殊。山川亦清潔，觀風得佳文。  
抵掌應叫絕，中吳尚華靡。多士少樸拙，經訓乃菑畚。  
韓子意昭揭，百家雖多門。不離左右闈，月旦偕子將。  
許孝廉長庚時在幕中晨夕影不孑，文章在三易。坦途無岨嶇，流光送衰年。  
過眼風一掣，枯坐一室中。如馬受羈絆，既苦腕被封。又復眼生纈，回思食筍齋。  
朋從亦何悅，江淹老無文。屬和才力竭，歲暮檢閱書。畫得乙酉在京歲朝圖，自題有為報老夫歸有信。明年準作太平民之句，明年丙戌果得請歸里。再題三絕句於右

不食前言荷

主恩明年果作太平民，畫圖顧我應相笑。  
辜負雲山乞此身，手種梅花應過牆。  
買栽修竹綠成行，十年初有園林趣。  
不願溪



山結草堂

冰霰滿天歲又闌  
獨居無偶強為歡  
家居那有京居興  
硯匣留塵筆久乾

雲門司馬歸自襄陽出蒲團宴坐圖屬題

青衫司馬近如何  
解組歸來鬢已皤  
花豔懶聞大隄曲  
酒酣時聽小兒歌  
送行詩好人爭和  
宴坐心空井不波  
莫怪襄陽耆舊少  
于湖剩我一婆娑

約子卿蘭泉小璘小琴餞歲

餞歲鄉風古  
論年列坐仍四時  
曾取象

禮四面之坐象四時也

三壽合稱

朋子卿年七十九  
七十五年八十八蘭泉年

情話老彌篤  
觥籌勸未能  
唐花開爛

漫春意欲飛騰



壹齋集卷三十九

當塗 黃 鉞 左田

古今體詩五十八首 盡戊戌一年

圓照寺梅

湖波不動綠生煙，齋麥彎環一徑偏。  
乍喜春晴過鐵佛，又來樹下拜梅仙。  
茶頻欲避王濛厄，香靜難參晦老禪。  
寺僧慧堂失明，別歲閒情思往事，繁花如雪異當年。  
乾隆庚子京師歲除，憶梅詩老僧笑我成年例，又為花神別歲來，卽指此梅今五十九年樹已半枯矣。

吾郡子弟入學必延其師，簪花子卿太守以乾隆戊戌入學，今道光戊戌重游泮水，亦循此例子。卿今年年八十余，九歲余以乾隆己丑入學，道光己丑重游泮水，先後十年，師弟並以八十赴斯勝舉，儒林佳話，鄉里榮

壹齋集卷三十九

之詩以誌幸

重入宮牆十載前，又經太守采芹年。科名先後世恒有，耄耄師生夙罕傳。事類實興非大比，禮參鄉飲有歌絃。老夫慣作逢場戲，手把花枝喜欲顛。

戊戌三月雨窗命 桐孫 檢校人海歸航書畫

兀然無事坐歸航，結習難拋筆硯荒。老去閒居誰肯顧，絲來小雨晝偏長。桓廚幸未通靈化，鄴架曾傳辟蠹方。莫認青氈我家物，留題好待後人藏。

三月廿四日鄉塾看菜花 是日諸生課藝

幼竹千竿一徑斜，橋陰水煥聚鳴蛙。城居饒有山居趣，茅屋三閒看菜花。

詩成誰足張吾軍，食葉鶯聲遠不聞。一片黃雲是殷鑒，好教辛



苦讀蘇文

宋太學謠蘇文熟喫  
羊內蘇文生喫菜羹

雜言

怯雨鼠姑花謝愁霖鳩婦聲希不知春去何日朝來猶著冬衣  
老盲心不忘視散帙不辨之無憂患端從識字人生難得糊塗  
好花孰視無覩故人覩面方知幸能畫沙爲字不礙臨流賦詩  
經言禮聞來學不聞我求童蒙慚愧鄭公侍婢猶知屈膝泥中  
孤負看花短杖拋荒對月深杯故人一時雲散好山都上心來  
四月廿日始聞布穀

積雨經旬喜乍晴遲他布穀不聞聲曉來似慰衰翁望飛過荒  
園著意鳴

次韻春浦學使松江試院寄懷兼答幕中諸子

大書深刻不辭勞告戒諸生聽勿囂去惡務令三害盡自居何

壹齋集卷三十九

二

礙一身高思憑珊瑚網收琪樹攬取吳淞淬剪刀政暇聯吟書寄  
我一時曾合盡韓豪

津亭回首總勞勞蒼莪詩靜俗置廢宅徑荒懷二僞崇祠帆  
過弔三高春融棠棣看敷萼技擅庖丁忍善刀爲語孟生休跌  
宕馬蹄毋讓少年豪

謂君弟宿藻新不第而  
許君長庚未赴試也

題明尹畊魁星象

北斗爲帝車煌煌麗天中七星判魁杓號曰文昌宮文昌肖厥  
象儼若王者容春秋祀匪懈珠光騰高穹魁星自尊嚴何至若  
鬼雄毛穎職點竄朱提主何功玉斗要量才底事踢虛空名義  
兩無當罅隙不待攻須知始制字但取諧聲工星家仰天象亦  
以羹斗通不識始何年並立朱衣翁刻畫爲戲具吉兆旌兒童  
因字象其形龔慢殊不恭昨觀尹畊畫一掃眾史庸居然加冠



巾大類終南鍾以斗負之背大帶飄天風尙嫌赤兩足變未離  
其宗我思道子畫星精偉且丰變象雖幻異不與鬼怪同畊或  
會見之髣髴其筆蹤老盲復健忘兩眼雲煙封何時再披覽開  
拓萬古胸平陽大雲寺有吳道子所繪星君諸象尹畊似曾見之而規仿其形似者

題梁顥及第圖并引

世傳梁太素八十二歲廷試以第一人及第及詩謝啓  
蓋本陳正敏遜齋閒覽王稱東都事略顥傳謂顥卒年  
四十二元人氏族大全引史以證遜齋閒覽之誤又謂  
卒年四十三二三殆字畫之譌按宋史顥傳景德元年  
卒年九十二則顥當生於梁乾化三年癸酉至宋雍熙  
二年乙酉及第年七十三後二十年景德元年甲辰卒  
正與九十二歲合遜齋閒覽固失矣東都事略及氏族  
大全亦未爲得也當以史爲正

壹齋集卷三十九 三

野史紛紛信耳編漫將生卒溷前賢分明宦蹟三朝在不合參  
差五十年

競說龍頭屬老成賺他婦女亦知名不知急就篇誰作誤盡愚

蒙村學生小兒初入學必讀三字經蓋本史游急就篇遺意

非獨昌言善明敏卽論兵略亦縱橫世人但解科名重那識于

門駟馬榮契丹遂城之役傳潛擁兵不救顥上疏乞斬潛以謝天下豈僅史稱詞辨明敏而已子適相仁宗孫會子

美官至觀文殿大學士亦有幹才

花盡

花盡蠡成蜜林喧鶯引雛靜中千慮集眾裏一身孤車馬勞今  
雨詩書憶故吾閉門常卻掃三徑任荒蕪

同學早離羣門生宦蹟分無人諳故事強客說新聞命酒但卜



晝爲文欲俟醺惜陰思補過亦自意殷勤

閏月十二日雨

雷雨曉滂沱街衢生白波聲繁怖雞犬氣猛挾蛟鼉晷刻三時  
久自寅堂切四寸過來朝恰芒種秧水不嫌多

聽姪孫安淳讀壹齋集示之

也爲私鳴也爲官春餘閣閣到秋闈是中卻有由衷語莫作談  
風說露看

側豔篇章盡掃除不將脂粉混毛嫵平生愛學昌黎體道得南  
山一字無

五月望日作是日小暑

紀候經小暑陰寒甚九秋無風疑落帽不雨欲披裘未聽柳嘶  
蛩頻聞屋喚鳩日盲憑指畫聊以寫煩憂

壹齋集卷三十九 四

夏日閒居

一炷清香一碗茶老僧退院久忘家欸門客少仍栽竹而牖陰  
濃尙種花閒寫小詩煩阿買思詢奇字覓侯芭靜中頗有關心  
事懶向團蒲畫結跏

送陳廣文晉歸東流次東坡送碧香酒與趙明叔校授

韻

去年見君目始盲今年見君行必相留君欲借石尤風醉君悔  
未傾貲釀君歸定省有程期不敢淹留速官謗但恐寒氈坐未  
温已報甯馨啼翠帳君妾有娠當產留於家喜氣充閭賀客多諸生醉倒  
翻瓶益分無湯餅到老盲乞取碧香轉相餉

婺源董廣文桂森重游泮水索詩

六十年重謁泮宮祖孫難得兩仙翁佳兒昔曾侍大父老子今



攜鄭小同

君大父於嘉慶己巳重游泮水是歲令子惠笙入學今戊戌年君重游泮水令孫炳寅亦入學

家世

下帷經互授科名羣從籍皆通

君兄弟七人第進士者三登賢書者三膺選貢者一可謂一門

之盛慙余斯會君曾見

余以道光己丑重游泮水君在蕪湖學官任

惜隔雲山碧萬叢

用侯再次前韻賦此答之

儒官好義聖所嘉古人為善天必相譬如麴蘖水泉香定溢清

糟出佳釀君憫窮葵重樹坊百年一弭貞魂謗東流百年來舉節孝者寥寥君

遠涉鄉鎮親為咨訪得數百人請於上建總坊以旌之

小邑薰蒸善士多詩書聲滿先生

帳家無擔石不足憂闌干苜蓿香盈盎行矣孤帆一葉輕好風

自有江神餉

三次前韻答用侯

廣文先生道自尊叵耐人嫌寒乞相豈知公相出犁鋤為有詩

書為醞釀鄭虔三絕飯不足韓子名高仍得謗馬融附勢非儒

壹齋集卷三十九

五

生世人枉羨扶風帳何如覓旬日閉門但聞饑鼠爭空盎荒城

惡客那肯來王不留行不須餉

四次前韻約用侯小璘明日過飲

南風留君不放行檣鳥底用朝朝相笑我空言欲醉君何嘗挈

榼沽村釀和詩日日攪詩腸胃神得勿生疑謗清風雨過枕簟

涼不怕饑蚊飛繞帳期君來日卜晝過喜得新秔香滿盎更有

惠泉雙玉瓶歸舟頃自青門餉

黃立方歸自漢口饋湖州香稻米一甕邵蓀船歸自江陰遺惠

泉酒  
兩樽

五次前韻乞斷來章

空中樓閣彈指成至人幻化無定相東坡次韻詩如之九酸亦

似逡巡釀才豪氣猛易語言韓句宵人指謫為譏謗烏臺供案至

今存當日杭人號詩帳吾曹鬪韻偶效顰敢以瓦缶方金盎再



衰三竭不成聲才多欲乞君分餉

檢書二首

檢書慵懶祭起草恣雅塗花月春秋負湖山杖履孤壯心時激  
烈搔首獨踟躕安得悲歌士為予擊唾壺

九十西山莫流光能幾何縱教百年盡已負此生多畫餅饑難  
救頑瓢鏡費磨柴門本無雀空說可張羅

六月廿二日五更大雷雨

疾雷驚夢覺猛雨逆檐飛風伯遙相扇炎官頓失威正宜禾稼  
熟自爾瘡寒稀十九日立秋周禮秋有瘡寒疾推戶披襟坐林端日氣微

荷花六解效姜白石體

閔園水木湛清華六十年前屬舅家記得渾身通是酒碧筒傾  
倒不容遮戴園先侍御舅以荷筒飲鉞雖傾側務盡一壺以致衣袴皆濕

壹齋集卷三十九

六

杭州游跡依稀記六月西湖別有天夜半荷花香夢醒好風吹

送枕函邊杭州

山城無水可栽蓮惟有城濠一角偏我昨肩輿繞城看也無亭  
子也無船六安

濟南風景似江南兩度皆乘使者驂咫尺荷花不相見明湖深

鎖屋潭潭濟南

解得荷花有幾人但知水上覓紅雲徵懷一別渾如夢誰聽盲  
翁說舊聞徵懷園

幾家池館亦蕭疎曾擬陶塘似鑑湖枉說荷花三十里風潭百

頃一枝無陶塘

送小璚之江陰

滔滔天下誰知已落落晨星幾故人昨日暫歸剛夏五秋風又



春謁春申開軒重對論文酒枯坐愁垂獨釣綸倘得奇文須寄賞主人知我愛才真謂春浦侍耶

再送小璘並記五十年前溪行江淮閒風物

送子江陰去征帆際曉開好風天末至新水百川來刈熟農爭渡開生邨醅醅經行如日昨使我首重回

七月六日雨

洗車雨猛天傾河女牛望斷盈盈波神仙隔歲祇俄頃奈何涕泗交滂沱人閒兒女蓄淫思妄引私意誣仙娥我年九十恩愛絕獨寤寐宿仍酣歌披襟當風但稱快紗幘涼意今宵多來朝雨洗碧空淨新月掩映雲如羅雙星耿耿照當戶瓜果靜俟雲輶過連年太史書上稔春登二麥秋登禾俗奢示儉士夫事得隴望蜀神所呵富貴壽考各有分男耕女織期無他

壹齋集卷三十九

七

鴉片煙

鴉片入中國時珍附本草李時珍本草綱目載罌粟花後氣味酸澀温有毒亦

微眇藉令誤服食未必卽橫天本名阿芙蓉美其顏色伎實卽

罌粟花花落青苞老以鍼刺津出刮取趁清早收入罌罌中用

治下利好後以媚房中邪術非正道不知於何時搏掙若泥潦

今謂鴉片土販者各有地道或云出天方泛海來絕嶠卻非淡巴菰名煙自

誰肇煙亦呂宋來權輿萬厯杪康熙中禁之後弛妨吏擾以其

不傷人未害俗熙皞豈如鴉片煙流毒出意表不問兒啼饑不

顧婦無襖淫朋聚二三對臥若翁媪中設一碗燈燄燄連昏曉

頑童代燃之口吸論多少寒暄昧冬春朝夕忘饑飽飲成信如

潮晷刻不差秒攜帶偶遺忘性命不可保涕泗立橫流形容頓

枯槁厭厭陳死人僵立但未倒昔見江廣生北赴春闈考飲發



死場屋直等道路殍

嘉慶己卯春闈事

又聞在官奴畜一胡生狡吸食

常在旁愛弄不離抱奴死猴亦死莫知其萌兆怪而剖其心蠕

蠕百蟲齧乃知飲卽蠱醫巫不能禱吾

皇設厲禁販者罪至絞惜財惜民命鴻臚有疏稿

謂黃君晉滋

置臣

近搜拏按戶煙具繳悔者十之五偷吸仍未了譬若遭風船纜

已碇石繞再縱不可收帆檣沒浩淼病加於小愈斯語眾當實

敬告羣有司救世功匪小原絕流自無萬里煙霾掃

道光戊戌六月二十日

臣子富民

以禮部主事蒙 恩

升補本部員外郎

臣鉞

具摺陳謝蒙

硃批江湖阻隔條爾數年矣想精力自必如常知卿原

不假滄荅之力聊伸眷念耳轉瞬明秋特頒慶賜卿其

善自靜攝朕欣待之也欽此並

賜人薘八兩臣跪讀

壹齋集卷三十九

祇頌感激涕零敬紀此詩

又拜神瀆

賜先是丙戌臣南歸特賜薘八兩兼蒙

子告兼蒙

手勅存哀羸驚頓起感激泣難言

帝念江湖隔孤臣覆載恩夕陽知有限敢不惜黃昏

九月五日登緒山檜軒

軒堂接霄漢梧竹亦清幽山谷攜家往于湖借馬遊斯人難再

得高詠足千秋何日雲開鶴翩然此暫留

陳園舊感戊戌九月十六日

指點綠隄竹樹空游蹤歷歷有誰同主林神見應長嘆昔日何

甥今老翁園舊屬戴氏余舅家也

打槳平湖泛綠波月明行處有笙歌樓臺何處人何在四十八

年一剎那

乾隆辛亥陳明府岸亭自金陵買二舟曾泛此湖



題刻本倪元鎮江南春詞三首後

并引

詞祇二章今作三首似筆誤也中有落花辭枝悔何及  
絲桐哀鳴亂朱碧嗟我胡為去鄉邑相如家徒四壁立  
之句當是至正末雲林傾貲泛宅時所作其志亦可哀  
也後附沈石田文衡山諸公追和元韻凡三十九人朱  
之蕃蘭峴聚而書之都為一卷鄧嶰筠制府影鈔付刊  
自粵寄贈一帙題四絕句

清閨蕭閒生綠苔圖書舞鼎付塵埃傾賞泛宅曾何悔春去江  
南劇可哀

箬笠扁舟寄柳湖歸來莫景益羈孤蕭然更甚林和靖子鶴梅  
妻一例無

雲林居士倪元鎮金粟山人顧阿瑛若使兩賢同一傳玉山侶

覺遜先生以顧娛情  
聲色故云

沈祝允明唐文徵明四十人倚聲一一名姓存中間亦有

吾宗在不識誰為後代孫中有江夏黃壽  
邱里居無攷

寒夜示諸孫

無人肯顧老盲翁爐火虛教照室紅君子勞心徒瑣瑣將軍負  
腹本空空時有腹疾雁聲搖艣巡檐過櫺遠如蛙隔巷通苦茗半溫  
燈欲燼夜窗親切記兒童

夢覺

有人不暖禮經垂我卻無人睡也宜布被新綿三爵後泥爐活  
火二更時重思往事言偏記背誦詩書夢即隨一覺荒雞聲欲  
唱半窗殘月影全移

麈



黃麝行處有一瓣早廚供陋笑李林甫豪慙曹景宗題封勞遺  
遠爲脯正宜冬何以答佳味京江苦露濃

陳園新葺十二月望日過之率爾成詠

池臺曲曲樹叢叢七十年來在眼中忽覩重樓出霜曉又將幻  
影現東風

一番花木一番新能見榮枯有幾人憶坐亭邊楊柳下于今剩  
有水粼粼

夾水修修竹萬竿也宜長夏也宜寒當時如煞游人眼虧蔽林  
花不許看

看到子孫今五世重來觴詠歷三朝小園自有蘭成賦中隱能  
無楚客招



壹齋集卷四十

當塗 黃 鉞 左田

古今體詩二十二首 己亥

道光己亥元日題乾隆乙巳歲朝合圖

到手屠蘇酒平頭九十身浪游思往事曾醉荜昌春  
五十五年畫寒廳兩故人當時看落筆今日記猶真  
此卽余年譜孫曾好護持不須詢故老歲歲有題詩  
舊友新知輩清詞麗句多元辰靜無事把卷一高歌

泰和弟少余十歲以正月十二日八十八生辰置酒爲壽

詩以祝之

兩人計年百七十四面合坐子孫曾 命三兒少民長孫安  
桐曾孫敦詩侍飲 積雪

高於平地尺梅花香入壽觴凝朱顏常潤非關酒健步如飛懶

壹齋集卷四十

杖籐兄弟神仙誰共得涪翁斯語似難憑 人皆有兄弟誰共得  
神仙山谷詠黃初平

叱石成羊句

正月廿六日

孟陬幾一月雨雪閒風雷節候剛驚蟄陽和未遂麥棲簷憐凍  
雀糝地惜殘梅爐火寒猶戀愁雲黯不開

聞鶯

出谷初聞第一聲曉風吹送到閒庭可憐多少箏琶耳醉夢迷

離半未醒

枯槐疎柳未成陰似伴盲翁索莫吟不是呢呢兒女語休教錯

認穎師琴

惜牡丹

可惜繁華子趨承富貴花競將三畝宅擬作五侯家穠豔凌傾



國奇香壓眾葩須防風雨至且莫委泥沙

李師道爲魏徵子孫贖宅

得孫字五言六韻

此書院山長課士題也諸生誤以仗義美之不知居易本傳嫌其掠美也詩以正之

誰贖文貞宅強藩欲市恩豈知喬木念自有國家存屋况先朝賜材由祕殿掄侵無慮風雨瞻足庇兒孫遺笏猶珍重安居敢望敦香山明大體繼世啓賢昆

謂魏暮也

遺悶

孤寂園居老病兼更無人至下疎簾勻圓豌豆碧同色爛紫櫻桃密遜甜躍水池魚負萍出銜泥巢燕帶花黏當前節物知多少不敵新愁日日添

三月廿四謝人惠時魚

《壹齋集卷四十

二

送春三日尙餘春已見時魚出網新叵奈雙瞳惡作劇經筵孤負水晶鱗

目痛憶舊

平生龕識醫經字一睛都將本草荒不識寒涼與溫補將來醫藥且姑嘗

親見先兄目醫昏神漿一濯鏡磨新于今卻想余懷谷便是當年秦越人

先兄目已盲桐城余懷各熙以藥煎湯薰服立即開朗歷三十年如故

蓮史泊九江以詩寄懷

送子揚帆去春寒積雨餘忽驚三月莫喜得九江書好句煩遙和開緘一起予行泊何處應食武昌魚

念子性情篤知予嗜好偏相思輒千里相見又經年老至情無賴重來定有緣平生詩幾首珍重付重編

將以壹齋集四卷付君重訂



遣病

已判黃塵眯兩眸更憐衰病賸幽憂閒翻本草尋醫藥倩說圖  
經當臥游琢句勞心笑皮陸到門何處覓羊求因心造出神仙  
境便是曾成十二樓

自遣

晨餐不用苦躊躇入市時鮮富有餘卻恨飽來無兩腹鮓魚纔  
上又時魚

盲翁萬事不關心祇有詩篇強欲吟大似箏琶懸在壁風吹絃  
上不成音

裹飯無人肯過存清晨堅坐到黃昏門生遠宦知交棄一瓣心  
香祇自焚

題當塗明府黃鳳樓春暉圖

壹齋集卷四十二

三

涪翁昔領太平州曾挈全家此地留今日春暉春更永板輿親  
奉壽康游

由來同姓古人敦况是無雙後代孫可惜歸田太草草讀書東  
觀未同論道光壬辰君登第予歸田已七年矣

蕪湖許文澄深重校刊



